

弁州山人續稿卷之十

吳郡王世貞元美著

詩部

言古

輓彭稚脩廣文

當年汝醉長安陌雙頰殷紅鬢鵬心私憐白戰賈餘
勁命薄青衫消不得訪醫就買吳江船欲言不言魂
黯然杯底無蛇影來妬坐隅有鵬心私憐張公吃酒
李公醉珊瑚誤代王愷碎非關豐獄吐龍泉自是人
間不平氣豫章城西楓葉秋生將玉塵埋荒丘彭湖

只作東流水肯洗彭郎磯上愁

五歌

我所痛在薊門青蠅蔽天白晝昏甚弘之碧靈均
寃失不奉之偕九原。嗚。曦。熒。熒。迴。覆。盆。安。能。照。枯。使。復。
溫。嗚。呼。一。歌。兮。烏。鵲。翻。使。我。萬。事。慚。生。存。何。況。食。肉。
復。乘。軒。

其二

我所悲在澤州。慘澹一紙青天愁。乞身爲母母不留。
我欲擲身黃河流。升堂總帷啼素秋。別時音徽今在
否。嗚呼二歌兮。霜風道色難忘養未盡。酬有顏敢從。

毛義游

其三

我所欽。在綿竹。偏髻明眸映空谷。峽濤棧雲莽相屬。
奮欲從之路。詰曲。倏忽萬里難踪逐。飛書自天炯可
讀。嗚呼三歌兮。憂哀玉。錢鏗七百歎局促。朝聞大道
死。夕足。

其四

我所思。華不注。美人讀書未渠暮。墮壁湛珠黯非故。
是時孤臣。晉陽路。青燈夜。聞鬼啼。訴痛無寶鉤。挂君
墓。嗚呼四歌兮。逗秋雨。君今一語成萬古。白頭公卿

紛可數

其五

我所惜在容城。弱弧奮欲除撓槍。片語觸天天怒驚。
狴犴。狂。血。肉。紛。縱。橫。爲。君。輕。身。破。不。平。君。言。汝。身。不。可。
輕。嗚。呼。五。歌。兮。晝。吞。聲。氣。塞。萬。古。長。如。生。彼。豎。父。子。
五。鼎。烹。

贈管將軍守備楊舍

將軍自稱三百斤。躍馬跳盪風前雲。奮探虎穴得其
子。未許麟閣圖元勲。千金買名呼國士。百戰捐身報
知己。腰間若若未銀黃。麾下紛紛半朱紫。璽書疊

下明光宮別部戈船始屬公古人不怕雞林險翻謂
天將貴此翁

第二猶子士騷十八應試與余省捷歲同詩以
壯之

世皇二十有二載弱冠留京忝材傑折花捲盡朱雀
簾騎馬醉踏長干月垂晚猶塵六卿佐中年已謝三
鎮節吾家琅玕幸不乏汝今行年亦十八即看蒜髮
乳尚腥試展霜蹄汗如血故家母但足箕裘往事吾
將付衣鉢汝生已是氣凌雲汝伯何妨髮如雪長安
卿相多少年此意雖卑聊爲說

金壇王叟六十壽之

同是緱山裔况同花甲週唯偏金壇隱獨領瑤池秋
瑤池碧桃若雞卵更有交梨大於盃君如欲勒弁嶺
名共策踰輪追穆滿

題畫海棠雙白頭爲王大叅賜德七十壽

召伯蔽芾餘甘棠詠歌千載流芬芳今之王翁古召
伯三吳有棠僅十霜其蔭已足籠丘岡上有一雙白
頭鳥相與宛轉啼春陽問誰者圖吳周昉擬借詩史
獻壽昌此物雖微感星氣不與凡鳥同摧藏百舌能
見讒要自非我匹鳳皇故自尊竹實非我食安期東

海棗已丹王母西池桃更碧白頭鳥不足招召伯之
棠不足栽王翁兮王翁且偕樊夫人共登陽湖之上
超然拍手呼鸞叩月窟是時金粟叢叢開桂漿吸罷
不饑渴攬轡下儀婁江隈婁江父老俱白頭依依棠
樹傍跪稱萬年杯王翁不樂胡爲哉

閔希言先生道成而游戲人間任真自適聞之
久矣今年來訪弇園談咲無間忽語余欲返武
當故館一叩玄帝先生有故人不二頭陀范丫
髻亦余舊識也因歌以贈先生併寄聲焉

足下不履頭不巾一袖寒暑長隨身有酒時過犢鼻

子得錢即散鶉衣人馬藏陰相任兒戲熊經外道胡
足論是口那曾挂臧否無心何處容貪嗔訪余東海
近旬日云徃天柱朝玄真左璫之柳夙好事爲爾築
館襄江濱夜斗低徊挂簷棟朝暾晃耀開金銀虎巖
不二范一髻歲寒且共棲嶙峋道余鼯鼠技已盡薄
有雕虫名亦淪閒披緇衲禮禪客或戴黃冠稱道民
三尸上天鮮可訴何苦役役防庚申蓬萊寧復閉賢
路桃花亦自通迷津祇愁鶴背太清瘦可載笨伯凌
青旻

先生體過肥故戲之

偶成自戲

愚公自咲昔日愚日對黃卷聲伊吾那知愚公今更
愚問着胷中一字無貧子自咲昔日貧但有載籍無
金銀那知貧子今更貧一絲不挂悲田身貧子之貧
猶未誤更有愚公堪咲處蹢躅兩足鈍於鴨便欲高
飛向天去

又

向來學癡兒癡兒只了公家事晚歲學愚公愚公日
作移山計有官不作山不居自言可免愚與癡何當
更有愚癡處說與聰明人不知

故將軍魯侯子澄見訪長歌贈之

曾侯意氣高天雲少小彎弓三百斤抗表那愁中執
法入門長揖大將軍尺書立掃無諸燼一箭能收下
瀨勲名大口山饒謗篋家貧太史絰深文脫驂始釋
越石父買絲肯繡平原君歸來自種南山豆有飯仍
誇菜三九春秋癖喜元凱先月旦評甘子將後亭午
方餐法喜食六時不醉聲聞酒林間豹蔚長迷霧匣
裏龍淵空犯斗偶聞時事忽撫膺及語功名但搔首
側舟過我叟江城紫氣燁燁如拖旌主人病聾復病
狂汝談佛仍談兵初疑藕孔脩羅出稍覺蓮花般
石生天下總需公輩在人間豈數王郎名何如抖擻

無明盡勢手金鰲頂上行

謝吳斷事惠茶筍歌一章

兩前茗芽細勝粟。兩後筍萌碧於玉。道人嗜茗以代
酒。且復爲筍將斷肉。吳郎昔佐鄖中閫。拂袖高眠白
駒谷。生不戀山陰。八月萼亦不誇江陵千頭木。爲余
雀舌損數筐。更脯龍鱗隄百束。初開鼻觀已芬爽。久
苦腸肥荷湯沐。新詩報汝汝不俗。淨洗荒飢酪奴辱。
但願清渭溪頭竹信安。紫花瀨口茶租熟。慧山水遞
更一家。道人湖田沒盡饑亦足。

屠田叔棄秋官幕歸侍司馬公公歿乞余志墓

且求一歌爲贈

屠郎讀書破萬卷不及區區三語掾以茲耻共侏儒
粟歸侍髯翁壽清宴菽水一勺輕千鍾况有今古蟠
其胷朝看明海飲日月夕愛赤堇攄煙虹天貽玉杵
喚髯去肯向東園借官具婁江忽有孝廉船問我求
題君子墓謾墓古來人所嗤髯翁遺愛吾何疑始知
吳札千金劍奚若中郎七尺碑念余年來倦筆研欲
焚棄之心更悞乞汝相携老文苑人間一官味誠短

張山人平叔五嶽歌

人間再見張平叔能否長將悟真讀四明狂客偶見

許五嶽山人生不辱三花近撲二室粉雪山遠接峨
眉玉所恨恒陽寓公石僅捧太華蓮花足歸來貧儂
游興孤盧敖之杖不可呼少文畫壁毋乃迂胡不乞
寫真形圖侑以廓落流金符自稱紫陽游玉都君不
見王郎手創團焦不盈丈跬武以還皆草莽倥傯安
期却來往何但區區五嶽觀千億湏彌托吾掌

曇陽子性命三十六體仙篆歌

地永味媿身無光欲鑿不鑿混沌忙結繩諸繁忽已
忘河馬洛龜亦披猖平林夜鬼愁羲蒼鳥跡而下至
岐陽咄籀之徒始濫觴斯高小豎瀾遂狂吾師八法

初未詳冶鍊至陰成乾剛悟性立命壽無疆遂謁金
母朝紫皇授以三元明光章憫余溷濁同秕糠示以
性命俾不忘字字心畫絃天綱三十六炁樞雷罡七
十二字拱素王星迴漢流雨露香龍跳虎卧鸞鴻翔
魄奪秦漢超黃唐十二小劫追赤明鄴架夜色何煌
煌檢之白玉尺錦囊五色流蘇束牙箱山卿俗書點
良常王烈不識憐嵇康紫微未肯傳楊郎我生何幸
依大方此書此軀偕未央薤珠人鳥長彷徨

吳明卿雪山冰井歌

饒州磁缸瑩不瑕將樂塊石霜磴研無煩世尊誦貝

葉何必玉女擎蓮花左安雪山右氷井涼思習習穿
帷紗殷紅冽齒房陵李沈綠沁肺腑青門瓜中間別有
清涼宅在君四大君不識赤脚高凌一萬層轆轤直
下三千尺中池之外無它潤太古以還唯一色長安
炙手殊可憐驕日欲奪天公權湏臾火盡灰欲冷惟
有寸心猶自燃與君共飽氷雪意高枕鼓跌莊生眠
蘄州李先生見訪之夕即 僊師上昇時也尋
出所校定本草求叙戲贈之

李叟維稍直塘樹便覩僊真跨龍云却出青囊肘後

書似求玄晏先生序華陽真逸臨欲僊誤注本草遲

十年何如但附賢郎烏羊角橫搏上九天

君有子爲蜀中名令

故云

孫榮祖氏所降僊筆貽我金書陰符經跋尾云
文陽真人得道時所說白玉蟾翁始表見於
世又以長歌四百九十字見贈頗及前生事勉
以脩持且勸檀施聊此奉酬併效薄見於奉行
仙童宜真子

壇烟裊空籠曙星荆陽鼓籟調流鈴爾時班管正馳
驟爲我寫就陰符經行間隱隱金玉潤勢表鬱鬱蛟
龍騰三倉以前鮮此蹟八會之文不可徵此經黃帝